

MESYUARAT PENYELARASAN PELAKSANAAN PROGRAM INOVASI NASIONAL KETERJAMINAN AGROMAKANAN RAKYAT (PINTAR) KPKM TAHUN 2024



PUTRAJAYA, 19 Disember 2024 - Mesyuarat penting telah diadakan bagi melaporkan status pelaksanaan Inovasi Nasional Keterjaminan Agromakanan Rakyat (PINTAR) tahun 2024. PINTAR, yang dilancarkan untuk mengukuhkan hala tuju Kementerian Pertanian dan Keterjaminan Makanan (KPKM), memainkan peranan penting dalam memastikan kestabilan dan keberkesanan sektor agromakanan negara.

Mesyuarat yang dipengerusikan oleh YBhg. Datuk Badrul Hisham bin Mohd, Timbalan Ketua Setiausaha (Pembangunan) Kementerian Pertanian dan Keterjaminan Makanan turut dihadiri oleh para pemimpin dan pegawai utama KPKM dan agensi dibawah KPKM ini bertujuan untuk membincangkan kemajuan pelaksanaan PINTAR sepanjang tahun 2024 serta mencadangkan hala tuju baharu untuk tahun-tahun mendatang. Program ini adalah hasil dari penyelarasan sepuluh (10) Gerak Kerja utama yang dimuktamadkan pada awal tahun ini, yang bertujuan untuk memperkukuhkan sektor agromakanan negara menjelang 2030.

Selain daripada laporan pelaksanaan, mesyuarat juga turut memberi ruang untuk perbincangan mengenai cabaran serta langkah-langkah penyelesaian yang perlu diambil untuk memperkukuhkan lagi Inisiatif PINTAR. Dengan tarikh akhir sasaran pada 2030, pelaksanaan PINTAR dijangka memberi impak besar dalam mempertingkatkan ketahanan dan jaminan agromakanan negara, serta memberi manfaat langsung kepada rakyat Malaysia dalam memastikan ketersediaan makanan yang berterusan dan berkualiti.